

Konkurs za eTwinning ambasadora u Bosni i Hercegovini

Obavještavamo Vas da eTwinning Državna organizacija za podršku - Agencija za predškolsko, osnovno i srednje obrazovanje (DOP) raspisuje konkurs za eTwinning ambasadore koji su zaposleni u odgojno-obrazovnim ustanovama na teritoriji Bosne i Hercegovine.

DOP bira eTwinning ambasadore na period dvije godine, do kraja 2026. godine.

eTwinning ambasador treba biti iskusni korisnik eTwinning portala, koji je zainteresovan da učestvuje u promociji eTwinning portala i eTwinning aktivnosti u području svoje ustanove i šire.

Zadaci eTwinning ambasadora su:

- pružanje pomoći DOP-u prilikom organizovanja događaja unutar BiH u vezi s promocijom eTwinning platforme i pojašnjavanjem osnova ili detalja za rad platforme;
- organizovanje i samostalno provođenje promotivnih i edukativnih događaja i obuka u odgojno-obrazovnim ustanovama u BiH u koordinaciji s DOP-om s ciljem povećanja broja registrovanih eTwinnera, povećanja broja kvalitetnih e-Twinning projekata;
- organizacija online obuka korištenjem digitalnih vještina i alata. Softver za online obuke osigurava DOP. Online obuke se organizuju i na eTwinning platformi.
- doprinos u razmjeni primjera dobrih praksi s kolegama u BiH, zemljama regiona i drugim evropskim zemljama;
- učešće na sastancima, konferencijama i seminarima samostalno ili sa ostalim eTwinning ambasadorima u zemlji ili inostranstvu na koje ih uputi DOP ili dobije poziv organizatora događaja, a uz saglasnost DOP-a;
- pružanje drugih informacija u vezi sa provođenjem eTwinning-a u BiH i druga vrsta pomoći DOP-u.

Tokom planiranja i provođenja navedenih aktivnosti, neophodno je da eTwinning ambasadori kontinuirano sarađuju s DOP-om i od nje dobije saglasnost za svoje aktivnosti, posebno u slučajevima kada one podrazumijevaju i potrebu za finansijskom podrškom. DOP će snositi putne troškove za sve događaje za koje ambasador bude angažovan.

Uslovi za prijavu

Zainteresovani kandidati trebaju ispunjavati sljedeće uslove:

- da su zaposleni u odgojno-obrazovnoj ustanovi u Bosni i Hercegovini;
- da su registrovani na ESEP platformu;
- da su osnivači najmanje jednog evropskog eTwinning projekta i da su partneri u najmanje jednom eTwinning projektu, kao i da značajno doprinose kvalitetu projekata (rezultati moraju biti vidljivi kroz aktivnosti u Twinspace dijelu projekta);
- da dobro govore engleski jezik (međunarodni događaji namijenjeni eTwinning ambasadorima održavaju se najčešće na engleskom jeziku, razmjena primjera dobre prakse s drugim zemljama učesnicama eTwinning-a se, također, odvija na engleskom jeziku);
- da koriste digitalne alate neophodne za rad na ESEP platformi (alati za komunikaciju, pretraživanje, razmjenu materijala i oglašavanje);
- da imaju razvijene organizacijske, komunikacijske i prezentacijske vještine.

Odabir kandidata

Kandidati koji su ušli u užu izbor bit će obaviješteni putem e-mail-a.

Konačna odluka o odabiru eTwinning ambasadora iz BiH bit će donesena krajem januara 2024. godine i to na osnovu cjelokupne prijave kandidata. Sa odabranim kandidatom će biti zaključen poseban ugovor. Prilikom odabira eTwinning ambasadora vodit će se računa o geografskoj zastupljenosti predstavnika svih nivoa obrazovanja, tj. zaposlenih u odgojno-obrazovnim ustanovama. Također bi bilo poželjno da eTwinning ambasadori budu iz različitih dijelova BiH i da rade sa djecom i učenicima različitog uzrasta. Izuzetna važnost se daje uspješnosti na eTwinning portalu. eTwinning ambasadori obavezni su da tokom obavljanja dužnosti ambasadora budu aktivni i da o svojim aktivnostima obavještavaju DOP. Ukoliko eTwinning ambasador tokom dvogodišnjeg perioda djelovanja u toj ulozi nije aktivan u periodu dužem od dva mjeseca, izuzev perioda juli-august i decembar-januar, DOP zadržava pravo da ambasadora razriješi dužnosti.

Napomena: Naglašavamo da se aktivnosti eTwinning ambasadora često preklapaju s radnim vremenom zaposlenih u odgojno-obrazovnim ustanovama.

Kako se prijaviti?

Poziv za konkurs za eTwinning ambasadora bit će otvoren od 22. decembra 2023. godine i objavljen na www.aposo.gov.ba i na eTwinning BiH FB stranici.

Online prijavni obrazac možete popuniti klikom na link: [.....KONKURS.....](#)

Uz obrazac je potrebno da na e-mail adresu etwinningbih@aposo.gov.ba pošaljete:

- motivacijsko pismo
- biografiju u Europass formatu.

Konkurs ostaje otvoren do 5. 1. 2024. godine, a sve dodatne informacije možete

dobiti na broj telefona 033/942-852/855 ili putem e-mail-a etwinningbih@aposo.gov.ba